



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2017. GODINU STRANKE DIJASPORE BOSNE I HERCEGOVINE

Broj: 03-07-6-321/18
Sarajevo, 30.05.2019. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije.....	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	6
5.1 NALAZI.....	6
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Stranke dijaspore Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2017.godinu, utvrđeno je da je Stranka dijaspore Bosne i Hercegovine prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Stranka dijaspore Bosne i Hercegovine u 2017. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Stranke dijaspore Bosne i Hercegovine za 2017. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2017. godinu, Stranka dijaspore Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	120.825,40	100,00
8.	Prihodi od propagande (3-g)	0,00	0,00
I	Ukupni prihodi (1-8)	120.825,40	100,00
II	Ostali prihodi i drugo	0,00	0,00
	Izvori finansiranja (I+II)	120.825,40	100,00

U godišnjem finansijskom izvještaju stranka je iskazala rashode u ukupnom iznosu od 116.266,48 KM.

2. PREDSTAVLJANJE POLITIČKE STRANKE

Naziv političke stranke je Stranka dijaspore Bosne i Hercegovine. Skraćeni naziv stranke je SDBiH. Stranka je registrovana kod Općinskog suda u Sarajevu, rješenjem broj: 065-0-F1-09-000036 od 10.03.2010. godine. Rješenjem Općinskog suda u Sarajevu, broj: 065-0-F1-15-000011 od 31.07.2015. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000005 od 13.06.2016. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000015 od 10.10.2017. godine, upisana je promjena lica za zastupanje i predstavljanje stranke.

Sjedište stranke je na Ilidži – Sarajevo, Senada Fazlića broj 58.

Lice ovlašćeno za zastupanje stranke u 2017. godini je Edim Fejzić, predsjednik stranke.

Lice ovlašćeno za podnošenje finansijskih izvještaja za 2017. godinu je Vasvija Harlač.

Prema podacima iz godišnjeg finansijskog izvještaja za 2017. godinu, organizacionu strukturu Stranke dijaspore Bosne i Hercegovine čine:

- Centrala stranke i
- 6 regionalnih odbora.

3. OPIS REVIZIJE

Predmet revizije je godišnji finansijski izvještaj Stranke dijaspore Bosne i Hercegovine za 2017. godinu, i to sljedećih organizacionih dijelova političke stranke:

- Centrala Stranke dijaspore BiH,
- Regionalni odbor Stranke dijaspore BiH Goražde,
- Regionalni odbor Stranke dijaspore BiH Zenica i
- Gradski odbor Stranke dijaspore BiH Goražde.

Revizija je ograničena na Centralu stranke dijaspore BiH i Regionalni odbor Stranke dijaspore BiH Goražde, jer ostali organizacioni dijelovi stranke nisu imali posebno finansijsko poslovanje, niti su imali svijje transakcijske račune¹.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Stranka dijaspore Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja Stranke dijaspore Bosne i Hercegovine obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke dijaspore Bosne i Hercegovine od 2010. do 2016. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, Služba za reviziju je izdala Izvještaj o pregledu godišnjeg finansijskog izvještaja Stranke dijaspore Bosne i Hercegovine sa mišljenjem revizora, nalazima revizije i preporukama stranci da finansijska sredstva obezbjeđena za finansiranje stranke koristi isključivo za ostvarivanje ciljeva utvrđenih svojim programom i statutom, da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama, da finansijske izvještaje popunjava u skladu sa podzakonskim aktima koje donijela Centralna izborna komisija Bosne i Hercegovine, da isplatu gotovog novca iz blagajne vrši na osnovu ispravnih knjigovodstvenih isprava. Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, i da poštuje i druge propise, prevashodno propise o poslovanju gotovim novcem.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Stranka dijaspore Bosne i Hercegovine nije ispoštovala preporuke revizije.

¹ Predsjednik Stranke dijaspore BiH je tokom obavljanja revizije dao izjavu broj: 102-01/19 od 21.03.2019. godine u kojoj navodi da regionalni odbori stranke nemaju otvorene transakcijske račune, pa sredstva koja su namijenjena za njihovo finansiranje, radi zakonskih ograničenja o poslovanju gotovinom nisu im mogla biti isplaćena.

5. NALAZI I PREPORUKE REVIZIJE

5.1 NALAZI

a) Stranka dijaspore Bosne i Hercegovine je prekršila odredbe člana 4. stav (1) Zakona o finansiranju političkih stranaka².

Planom utroška sredstava za 2017. godinu Stranka dijaspore Bosne i Hercegovine je na nivou stranke planirala troškove u iznosu od 104.000,00 KM. U poslovnim knjigama i finansijskom izvještaju za ovu godinu iskazani su ostvareni troškovi u iznosu od 116.266,48 KM i to samo za Centralu stranke. Revizijom je utvrđeno da je stranka u okviru ovog iznosa troškova iskazala i interni prenos sredstava sa računa Centrale stranke na račun regionalnog odbora stranke u iznosu od 14.500,00 KM³, što ne čini rashod Centrale stranke⁴, pa ukupni troškovi Centrale stranke iznose 101.766,48 KM. Istovremeno, stranka u finansijskom izvještaju nije prijavila troškove svog Regionalnog odbora u Goraždu, koji prema podacima iz poslovnih knjiga iznose 18.161,89 KM. Revizijom je utvrđeno da je Stranka dijaspore Bosne i Hercegovine ostvarila ukupne troškove u iznosu od 119.928,73 KM, koji je u odnosu na planirane troškove za 2017. godinu veći za 15.928,73 KM.

Osim što je planirane troškove prekoračila za 15.928,73 KM, stranka je ostvarila i troškove koji nisu predviđeni programom utroška.

Programom utroška stranka je predvidjela pet vrsta troškova, a ostvarila je 28 vrsta troškova, kako je navela u poslovnim knjigama za 2017. godinu.

- Planom utroška sredstva stranka nije planirala troškove zakupa dva motorna vozila, a ostvarila ih je u iznosu od 28.500,00 KM i troškove za opravku vozila, koje je ostvarila u iznosu od 1.452,00 KM.

Stranka dijaspore Bosne i Hercegovine je sa Tatar Vedijom zaključila Ugovor o zakupu putničkog motornog vozila na period od šest mjeseci uz mjesečnu zakupninu od 1.500,00 KM, te po istom ovom fizičkom licu isplatila iznos od 9.000,00 KM.

Drugo motorno vozilo stranka je iznajmila od predsjednika stranke Edima Fejzića, takođe uz mjesečnu zakupninu od 1.500,00 KM, na period od 13 mjeseci, pa mu na osnovu dva ugovora o zakupu u 2017. godini isplatila ukupni iznos od 19.500,00 KM.

- Troškove plata stranka je planirala u iznosu od 28.000,00 KM, a ostvarila ih je u iznosu od 36.218,07 KM, skupa sa naknadama za ugovore o djelu i naknadama spoljnim saradnicima, što za 8.218,07 KM više od planiranog iznosa.
- Troškove toplog obroka koji su ostvareni kod Regionalnog odbora stranke u Goraždu u iznosu od 1.238,00 KM, nisu predviđeni programom utroška.
- Za administrativne, materijalne i putne troškove planirano je 10.000,00 KM a potrošeno 18.068,83 KM, odnosno više za 8.068,83 KM. Takođe planirani su troškovi za održavanje sjednice Glavnog odbora, predsjedništva stranke i izborne skupštine stranke u iznosu od 12.000,00 KM, a ostvareni su u iznosu od 13.326,92 KM, što je više od plana za 1.326,92 KM.

S obzirom da stranka sredstva nije utrošila u skladu sa planom troškova za 2017. godinu, prekršila je odredbe člana 4. stav (1) Zakona o finansiranju političkih stranaka.

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

³ Prenos sredstava na RO Goražde, Centrala stranke u svojim poslovnim knjigama evidentirala kao humanitarne i ostale rashode.

⁴ Član 21. stav (4) Pravilnika o godišnjim finansijskim izvještajima političkih stranaka: Novčana sredstva koja jedan organizacioni dio prenosi drugom organizacionom dijelu unutar političke stranke ne smatra se rashodom iz stava (2) ovog člana i ne iskazuje se na Obrascu 4 iz člana 5. Ovog Pravilnika.

b) Stranka dijaspore Bosne i Hercegovine prekršila je odredbe člana 11. stav (1) i odredbe člana 12. stav (1) i stav (4) Zakona o finansiranju političkih stranaka.

Na osnovu obavljene revizije godišnjeg finansijskog izvještaja i dodatne dokumentacije, utvrđeno je da Stranka dijaspore Bosne i Hercegovine nije prijavila sve transakcione račune kao i blagajne, nije pravilno vodila evidencije o gotovinskim novčanim tokovima, nije uspostavila potpune i tačne evidencije o svojim prihodima, rashodima i obavezama, niti je godišnji finansijski izvještaj popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Uvidom u Izvještaj o računima pravnog lica koji se vodi kod Centralne banke BiH od 27.06.2018. godine, utvrđeno je da stranka na obrascu 2. finansijskog izvještaja nije prijavila transakcioni račun Regionalnog odbora Sarajevo, broj: 3386902231834606 otvoren kod Unicredit banke d.d., na kome su evidentirana novčana sredstva u iznosu od 24.582,54 KM.⁵

(2) Stranka je na obrascu 2.1 (Pregled stanja blagajne) finansijskog izvještaja za Centralu stranke iskazala početno stanje u iznosu od 389,10 KM, promet ulaza u iznosu od 14.679,43 KM, promet izlaza u iznosu od 14.907,67 KM i saldo na dan 31.12.2017. godine u iznosu od 160,86 KM.

U poslovnim knjigama Centrale stranke evidentiran je promet ulaza u iznosu od 12.875,66 KM, promet izlaza u iznosu od 12.814,32 KM i saldo na dan 31.12.2017. godine u iznosu od 61,34 KM.

Revizijom blagajničke dokumentacije Centrale političke stranke za 2017. godinu, utvrđene su evidencije gotovine na dan 01.01.2017. godine u iznosu od 2.155,18 KM, uplate gotovine u blagajnu u iznosu od 10.713,35 KM, isplate iz blagajne u iznosu od 12.833,94 KM i saldo gotovine na dan 31.12.2017. godine u iznosu od 34,59 KM.⁶

Kontrolom poslovnih knjiga Regionalnog odbora stranke u Goraždu utvrđeno je finansijsko poslovanje ovog organizacionog dijela stranke putem blagajne, a koju stranka nije prijavila u finansijskom izvještaju koji je podnijela Centralnoj izbornoj komisiji BiH.

Uvidom u blagajničku dokumentaciju utvrđene su uplate gotovine u blagajnu u iznosu od 2.200,00 KM, promet izlaza iz blagajne u iznosu od 2.198,00 KM i saldo blagajne na dan 30.06.2017. godine u iznosu od 2,00 KM.

U poslovnim knjigama su iz ove blagajne evidentirane isplate sredstva u iznosu od 2.093,35 KM i saldo blagajne u iznosu od 106,65 KM.

Kontrolom blagajničke dokumentacije, utvrđeno je da na nalogima za isplatu nedostaju potpisi fizičkih lica koja su primila novčana sredstva, odnosno na osnovu naloga za isplatu nije moguće utvrditi kome je stranka isplatila sredstva.

Na osnovu prethodno navedenog, nedvosmisleno je utvrđeno da je Stranka dijaspore BiH postupila suprotno principima blagajničkog poslovanja, te da je prekršila računovodstvene propise i odredbe odredbe člana 11. Pravilnika o godišnjim finansijskim izvještajima političkih stranaka.

(3) Revizijom je utvrđeno da je Stranka dijaspore BiH nadležnoj instituciji (Finansijsko informatička agencija) podnijela završni račun u kome je iskazala prihod u iznosu od 135.326,00 KM. Osim prihoda koji je ostvarila u iznosu od 120.825,37 KM, stranka je i interne prenose sredstava sa Centrale stranke na Regionalni odbor stranke u Goraždu u iznosu od

⁵ Dana 28.11.2018. godine Stranka dijaspore BiH dostavila je izvode sa navedenog transakcionog računa.

⁶ Saldo na dnevniku blagajne centrale stranke za period 01.12.-31.12.2017. godine na dan 31.12.2017.godine evidentiran u iznosu od 21,49 KM, dakle u nepostojećim apoenima.

14.500,00 KM, prijavila kao prihod⁷, čime je prekršila odredbe člana 11. stav (1) i 12. stav (1) Zakona o finansiranju političkih stranaka i odredbe člana 13. stav (5) Pravilnika.

Na isti način, stranka je po osnovu internih prenosu u završnom računu iskazala i troškove u većem iznosu, čime je prekršila odredbe člana 21. stav (4) Pravilnika.

- (4) U finansijskom izvještaju Stranka dijaspore BiH je iskazala ukupne rashode u iznosu od 116.266,48 KM, i to sve kao troškove Centrale stranke. Revizijom i kontrolom poslovnih knjiga Centrale i Regionalnog odbora stranke u Goraždu, utvrđeno je da je Centrala stranke ostvarila troškove u iznosu od 101.766,48 KM, a regionalni odbor Goražde u iznosu od 18,161,89 KM, pa su tako ukupni troškovi Stranke dijaspore BiH ostvareni u iznosu od 119.928,37 KM.
- (5) Na obrascu 4.1 (režijsko-administrativni i dr.troškovi) finansijskog izvještaja stranka nije iskazala troškove analitički po njihovim vrstama, iako je u poslovnim knjigama po vrstama klasifikovala sve troškove osim troškova zakupa vozila.
- Na obrascu 4.1 finansijskog izvještaja prijavljeni su troškove kancelarijskog materijala u iznosu od 2.647,52 KM. Uvidom u poslovne knjige utvrđeno je da su u okviru ovog iznosa pored troškova kancelarijskog materijala u iznosu od 2.215,60 KM i troškovi električne energije u iznosu od 355,92 KM i troškovi usluga Total tv-kablovske televizije u iznosu od 76,00 KM, koji nisu troškovi kancelarijskog materijala.
 - Troškovi usluga, na istom obrascu, iskazani su u iznosu od 7.551,63 KM. Ovaj iznos sadrži sljedeće troškove: bankarsku proviziju u iznosu od 454,74 KM, usluge knjigovodstva u iznosu od 1.936,00 KM, PTT troškove u iznosu od 319,15 KM, stručne usluge u iznosu od 60,00 KM, opravku vozila u iznosu od 1.452,00 KM, PTT troškove u iznosu od 374,95 KM, komunalne usluge u iznosu od 228,00 KM, advokatske usluge u iznosu od 2.691,75 KM i sudske troškove u iznosu od 35,00 KM.
Svaki od navedenih troškova stranka je trebala pojedinačno unijeti na obrazac 4.1 finansijskog izvještaja.
 - Na istom obrascu stranka je iskazala troškove bruto plata zaposlenih u iznosu od 34.895,85 KM. U navedeni iznos stranka je uključila sljedeće troškove: naknade spoljnim saradnicima u iznosu od 1.623,32 KM, naknade po osnovu ugovora o dijelu u iznosu od 8.874,65 KM, reklamu i promociju stranke u iznosu od 6.950,00 KM, neto plate u iznosu od 10.404,00 KM, troškovi poreza na plate u iznosu od 680,01 KM, doprinos za PIO u iznosu od 3.470,00 KM, doprinos za zdravstvo u iznosu od 2.487,91 KM, doprinos za nezaposlenost u iznosu od 301,57 KM, doprinos za elementarne nepogode u iznosu od 52,02 KM i doprinos za vodne naknade u iznosu od 52,02 KM.
Navedeni troškovi koji se odnose na plate, stranka je trebala pojedinačno da navede na obrascu 4.1. finansijskog izvještaja, dok troškove reklame i promocije stranke⁸ nije mogla svrstati u kategoriju plata.
 - Dnevnice i putne troškovi stranka je iskazala u finansijskom izvještaju u iznosu od 30.785,36 KM. Iste troškove stranka je u poslovnim knjigama evidentirala na nalitičkom kontu pod nazivom „Troškovi goriva vl. automobil putovanje“. Kontrolom finansijske dokumentacije i poslovnih knjiga u kojima su evidentirani navedeni troškovi⁹, utvrđeno je da je stranka u finansijskom izvještaju kao putne troškove prijavila troškove zakupa putničkih vozila u iznosu od 28.500,00 KM, koji se ni na kojim način ne mogu klasifikovati kao putni troškovi.

⁷ Član 13. stav (5) Pravilnika o godišnjim finansijskim izvještajima političkih stranaka: Novčana sredstva koja jedan organizacioni dio prenosi drugom organizacionom dijelu unutar političke stranke ne smatra se prihodom iz stava (1) ovog člana i ne iskazuje se na obrascu 3 iz člana 5. Ovog Pravilnika.

⁸ Analitički konto 4025-reklama i promocija stranke, saldo 6.950,00 KM.

⁹ Analitička kartica konta 4050-troškovi goriva vl.automobil putovanje saldo 30.785,44 KM.

- U okviru ostalih rashoda, koje je stranka u finansijskom izvještaju prijavila u iznosu od 40.386,12 KM, prema evidencijama iz poslovnih knjiga, utvrđeno je da su sadržani sljedeći troškovi: troškovi reprezentacije u iznosu od 9.758,47 KM, putne dnevnice u iznosu od 1.614,00 KM, humanitarni rashodi u iznosu od 9.812,92 KM, troškovi zakupnine kancelarijskog prostora u iznosu od 338,70 KM, ostali rashodi u iznosu od 4.361,92 KM i interni prenosi sredstava između organizacionih dijelova stranke u iznosu od 14.500,00 KM, koji ne predstavljaju trošak, a stranka ih je evidentirala kao humanitarne rashode.

U skladu sa računovodstvenim propisima, odredbama člana 11. stav (1) i člana 12. stav (1) i (4) Zakona o finansiranju političkih stranaka, te odredbama člana 21. i 22. Pravilnika, stranka je imala obavezu da klasifikuje troškove po vrstama, te ih kao takve iskaže na obrascu 4.1 finansijskog izvještaja po organizacionim dijelovima stranke.

Ovakvim načinom evidentiranja troškova, politička stranka je značajno narušila transparentnost utroška sredstava.

- (6) Na obrascu 5. godišnjeg finansijskog izvještaja stranka nije prijavila obaveze na dan 31.12.2017. godine. Kontrolom prometa izvoda na transakcionom računu Regionalnog odbora stranke u Gorazdu broj:1346021001275331 otvorenog kod IKB-ASA banke, utvrđena je uplata pozajmice od strane fizičkog lica u iznosu od 1.400,00 KM, koju stranka nije vratila u izvještajnom periodu, a nije iskazala ni obavezu u finansijskom izvještaju.¹⁰ Ne prijavljivanjem navedene obaveze stranka je prekršila odredbe člana 12. stav (4) Zakona, kao i odredbe člana 24. Pravilnika.

c) Bez kvalifikovanja revizijskog mišljenja, skrećemo pažnju na cijene usluga koje su pružene političkoj stranci.

Uporedbom ostvarenih troškova sa programom utroška sredstava za 2017. godinu, pored nalaza koji je naveden pod tačkom a) evidentno je da je Stranka dijaspore BiH izvršila nabavku usluga, odnosno uzela pod zakup dva putnička motorna vozila, po cijenama koje su neprimjereno visoke u odnosu na tržišne ili fer cijene.

Stranka je sa Tatar Vedijom zaključila Ugovor o zakupu putničkog motornog vozila na period od šest mjeseci uz mjesečnu zakupninu od 1.500,00 KM, te po istom ovom fizičkom licu isplatila iznos od 9.000,00 KM.

Drugo motorno vozilo stranka je iznajmila od Edima Fejzića, takođe uz mjesečnu zakupninu od 1.500,00 KM, na period od 13 mjeseci, pa mu na osnovu dva ugovora o zakupu u 2017. godini isplatila ukupni iznos od 19.500,00 KM.

5.2. PREPORUKE

Preporučuje se Stranci dijaspore Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih svojim programom i statutom,***
- ***da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima, obavezama i novčanim tokovima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

¹⁰ Ugovor o pozajmici Edima Fejzića od 03.04.2017. godine na iznos od 1.400,00 KM.

- *Da program utroška sredstava sačini po vrstama troškova, te prati njegovo izvršenje i vrši izvještavanje o ostvarenim troškovima u skladu sa članom 21., 22. i 23. Pravilnika o godišnjim finansijskim izvještajima političkih stranaka.*

KOMENTAR:

Stranka dijaspore Bosne i Hercegovine nije se očitovala u datom roku na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2017. godinu.

Zahvaljujemo se osoblju Stranke dijaspore Bosne i Hercegovine koja je pružilo korektnu saradnju tokom obavljanja revizije.

Revizor

Nevenko Andan

Šef Službe za reviziju, revizor

Mr.sc Hasida Gušić